

177

北京圖書館

編

北京圖書館藏珍本

年譜

叢刊



□ 北京圖書館 編



北京圖書館藏珍本
年譜叢刊

北京圖書館出版社

第 177 冊

第一七七冊目錄

陸文慎公年譜	一
曼君先生紀年錄	九七
張達生先生年譜稿本	一三三
江亭芙先生年歷	一一一
四十年艱辛記	二一五
新淦公自訂年譜	二五
趙魯菴先生年譜	二六三
文雲閣先生年譜	二八一
先考羅公紀年錄	四六五
魯齋年譜	四九一
汪穰卿先生年譜	五七五
瀏陽譚先生年譜	六一五
先妣薛恭人年譜	六三三
先府君曉亭公年譜	六六九

陸文慎公年譜序

先師太倉陸文慎公奏議文治於辛亥夏旣爲印而傳之其長公子芝田復寄年譜二卷來上卷爲公所自訂下卷則同門江陰陳君慕周考公日記而踵成之公之言行宦蹟粗具於是客冬商諸同門王君丹揆同任劖劂今夏請同鄉王君慧言校正授之梓人不揣樛昧謹爲之序嗚呼在詩蕩之首章曰疾威上帝其命多辟其七章曰雖無老成人尙有典刑曾是莫聽大命以傾人第知人之云亡邦國殄瘁而不知老成人者乃天命所寄託天人相與之際有隱爲輔相而維持之者至老成

之典刑墜而天命於是乎墜矣豈不痛哉我朝當雍
乾之際累洽重熙人才間出翊贊喜起鼓吹休明生斯
世也可謂幸矣道咸以來世運稍替因循懈惰之幾伏
於冥昧敷衍粉飾之習視爲當然於是外患頻仍內寇
復揭竿而起螭螭沸羹十有餘年荼毒殺戮幾遍海內
然禍患至此卒能收底定之功而天命不改者賴有胡
文忠曾文正左文襄諸公輔相而維持之也同治中興
百姓喁喁望治不幸瞻望鼎湖未獲克壽然而黃裳臨
御猶勉強支持者五十年蓋以元老壯猷聲威未沫而
文學侍從之臣從容獻可替否朝夕納誨補闕拾遺老

成典刑旣未墜於天下故是非直道猶不絕於人心也
文愼公初進與元和陸文端公相頡頏維時苞苴請託
政治羸庸禍變萌芽所在皆是兩公旣以道義文章衡
量多士復以忠貞氣節互相濯磨嘉謨入告造膝密陳
蓋有順於外而人不及知者乃文愼公主臺諫屢以直
言忤當道小獲譴責賁志遽終是則文愼之視文端固
爲不幸者矣文端公居師傳職典學精勤乃大難驟作
寰宇陸沈侘傺鬱伊抱首陽之節以死是則文端之視
文愼更有大不幸者矣是譜所載於數十年來變故與
夫廢興存亡之蹟略可參考易否卦上六城復于隍象

傳曰其命亂也剝卦六三剝之无咎象傳曰失上下也
夫命亂之戒固由於執政者措施失當然揆其所以失
上下之繇誰生厲階至今爲梗數世而後必有論定之
者文治每讀文愼公奏議於嚴禁黨援一疏未嘗不歎
息痛恨矧茲者故宮禾黍倏遘焚如荆棘銅駝益增哀
怨展公遺譜痛老成之不復念天命之靡常身世茫茫
萬感交集蓋有涕泣傍徨不能自已者矣癸亥夏五受
業唐文治謹序

太倉陸氏世系

第一世德揚公

諱宣生三子長潛溪公

第二世潛溪公

諱憶生四子第四子子和公

第三世子和公

諱序生七子第七子恂如公

第四世恂如公

諱文繁生三子第三子振叔公

第五世振叔公

諱鐸太學生生一子宛若公

第六世宛若公

諱洞庠生舊譜載公風流儒雅善鼓琴與沈白樓先生望衡對宇日夕過

從生六子第
六子惟吉公

第七世惟吉公

諱兆枚太學生議敘州同生三子長文耀公

第八世文耀公

諱光遠太學生候選同知以曾孫希湜貴贈中憲大夫生一子栗齋

公

第九世栗齋公

諱

均

十五歲遊庠文名噪甚以孫希湜
贈中憲大夫生三子次子尚

公

第十世子尚公

諱

學錦

州庠增生著有直方齋詩文集
詩經韻集解先以子希湜貴

贈中憲大夫後以曾孫寶忠貴累
贈光祿大夫生四子長懋庵公

配邵恭人

晉贈一品夫人

第十一世懋庵公

諱

時澍

州庠增生先以弟希湜官禮
部主事贈奉直大夫以

子爽棠官刑部郎中
兵部右侍郎累

贈光祿大夫生三子長憩雲公
贈中憲大夫後以孫寶忠官

配俞恭人

晉贈一品夫人

第十二世憩雲公

諱

爽棠

咸豐辛亥恩科順天鄉試
舉人刑部奉天司郎中記名

繁缺知府累贈光祿大夫生二子長初名
爾誠字易門後改名寶忠字伯葵次爾斌殤

配廖恭人晉贈一品夫人

陸文愼公年譜卷上

太倉陸寶忠伯葵自訂

道光三十年庚戌一歲

是年七月初六日巳時生於外家嘉定南門內廖氏
賜詩堂先大夫憩雲公屢應北闈試丙午下第後至
懷慶府清化鎮康氏授徒得咯血證逾年始痊己酉
復入都應試住叔祖毅庵公時官禮部主事寓齋揭曉又落
第旋得二姑母適俞子羹爾梅凶耗府君泣不能仰以離家
數年思歸綦切毅庵公以府君懷才不遇相對悽惻
亦勸暫歸遂於十一月到家時先太夫人常居母家

聞府君歸買棹還太倉適府君自太赴嘉遇於舟次
庚戌歲府君未授徒常往來壻鄉太夫人妊子甫七
月而生髮尙未茁手如鳥爪耳貼於後而啼聲甚宏
小字定生名爾誠十歲時府君字以易門外祖母柳宜人以府君及先太
夫人皆年三十六矣甫生子愛護倍至外祖父華卿
公時官廣東大挑知縣大姊乙巳生時年六歲十一
月先太夫人攜歸太倉城內州東紹安堂故居謁樓
上所奉先代神主仍回嘉定度歲

咸豐元年辛亥二歲

是年府君復北上仍住毅庵公宅中式順天鄉試第

一百二名考官濱州杜文端公

受田

長白靜濤先生

柏稜

雲溪先生

舒興阿

常熟翁文端公心存

房師景

東劉韞齋先生

崐

咸豐二年壬子三歲

是年府君會試下第仍留京邸

咸豐三年癸丑四歲

是年青浦匪徒周立春作亂陷上海旋擾嘉定外祖
母攜全家避至唐家行潘氏宅中一夕地震樓將傾
圯先太夫人倉皇挾予下樓匿竹園中籬外望見燈
火疑是賊過噤不敢言夏間府君下第南歸至唐家

行予依依膝下索攜至鄰家看初生犢今四十餘年
矣猶歷歷在目前也旋回太倉毅庵公放安徽潁州
府知府

咸豐四年甲寅五歲

是年始識方字先太夫人親教之日可識十餘字夏
間隨府君在賜詩堂西夾室寢晨起令溫字有遺忘
者撻之外祖母憐惜甚至重陽日二弟爾斌生小字順生

咸豐五年乙卯六歲

是年正月入塾從嘉定諸生王卓甫先生宗諫時同

塾者爲翰秋雨香兩舅孟揚表兄貞甫緝臣兩表弟

一日放學忽謂兩表弟曰予帶兩弟拜學師去卽同至學宮呼童拜會廣文出予揖之昂然上坐寒暄數語而返外祖母知之喜曰此子頗昂藏異日可望成器春初府君赴潁州省視毅庵公六月先太夫人攜至紹安老屋祀先子遘瘧疾甚劇八月小愈仍回嘉定外祖母擬赴外祖父任所家人已來迓矣九月初赴蘇州柳氏小住上冢聞楞伽山有一異僧宿岩下能知未來事往叩之問將遠出安否默然不言再問不答又詢有一外孫某體弱多病能長成否答曰伊自有福出一膏藥貼之可愈爾但宜自顧何必牽戀

外祖母望日歸小病數日二十日逝世予方病痞已知悲慟越數日更劇以僧所畀藥貼之漸瘳腹中結痞亦消

咸豐六年丙辰七歲

是年府君由潁州入京會試已入殼矣彭詠莪相國極賞其卷以詩句一字誤復擯榜後以主事分刑部在江西司行走予隨太夫人仍居嘉定塾師以生徒多督課不嚴夜間太夫人篝燈自課令復誦所授生書必熟背始就寢予讀性最鈍常至更深或倦則痛責之諭曰汝父遠出倘失學歸必撻汝且幼稚不立